

放光般若波羅蜜經卷第三十

芥十

西晉三藏無羅叉共竺叔蘭譯

薩陀波輪品第八十八之餘

佛告須菩提譬如有人被重毒箭無有餘念但念言我何時當得良師拔我毒箭令其疾

愈薩陀波輪第十一無復餘念但欲得見法師從聞

般若波羅蜜聞般若波羅蜜已滅諸倚著爾時薩陀波輪菩薩即見諸法無墨礙慧得無量三昧門其三昧名曰見諸法所有三昧於諸法無所得三昧降伏諸無智三昧得諸法

無差別三昧得於諸法無變異三昧諸法無所有無所聚三昧滅諸冥三昧於諸法次第無異三昧於諸法無所見三昧散花三昧得如是比無量種種三昧門住是三昧已見諸十方無央數佛以般若波羅蜜爲諸菩薩說

法爾時十方諸佛皆讚歎言善哉善哉善男子我等本爲菩薩時索般若波羅蜜亦復住是三昧所得如是得是三昧已入於般若波羅蜜亦復如是便成就溫和而舍羅立於阿惟越致法我等得是三昧時亦不見有法行三昧者離三昧者亦不見行道者亦不見逮阿惟三佛者般若波羅蜜者無有貢高善男子吾等住於不貢高故得金色身三十二相無限之光得不思議慧最無上覺三昧佛智具足逮諸功德諸佛所不能平量不能盡說何況聲聞辟支佛是故善男子於是法中當倍加敬善男子有志有進得阿耨多羅三耶三菩亦無有難善男子於真知識當起恭敬愛樂之意如視世尊菩薩得真知識者疾得阿耨多羅三耶三菩爾時薩陀波輪菩薩白

諸佛言我當所敬真知識者爲是阿誰諸佛  
報言法上菩薩世世常以阿耨多羅三耶三  
菩用教授汝法上菩薩常以般若波羅蜜具  
足惱恕拘舍羅是者則是汝之尊師是真知  
識卿善男子取法上菩薩以頂戴之從至一

茶十

二

劫若至百劫以三千大千刹土所有以用供  
養尚未能報須臾之恩聞是尊法其福難報  
使汝得般若波羅蜜惱恕拘舍羅之利故是  
諸如來無所著等正覺說是已忽然不現爾  
時薩陀波噉於三昧起四向顧望意自念言  
是諸如來從何所來去至何所作是念已惆  
悵不樂復更念言法上菩薩常行般若波羅  
蜜惱恕拘舍羅總持諸陀隣尼門於諸法得  
自在已從過去佛而作功德是我真師我當  
以問法上菩薩是諸如來從何所來去至何

所於是薩陀波噉菩薩念法上菩薩恭敬愛  
樂豫加謙恪今我又貧無有珍寶香花奇異  
貢尊之具以般若波羅蜜故供養法上菩薩  
者不可空往至法上所我有恭敬而無所有  
不如賣身供養般若波羅蜜及師前後以來  
壞身不少今故不滅前後壞身坐姪怒癡更  
諸苦痛亦不爲法亦不爲師但爲貪欲五陰  
六衰爾時菩薩道經一城大喚呼言我欲自  
賣誰欲買我者時魔波旬意自念言今は菩  
薩用般若波羅蜜故自賣其身欲以供養法

上菩薩欲得聞般若波羅蜜惱恕拘舍羅菩  
薩云何行般若波羅蜜疾得阿耨多羅三耶  
三菩聞已必當恭敬稽受我不敗壞者當教  
無數百千菩薩及諸衆生過我境界今我當  
往壞之波旬即使舉國男女不見其形不聞

茶十

三之一

上菩薩欲得聞般若波羅蜜惱恕拘舍羅菩  
薩云何行般若波羅蜜疾得阿耨多羅三耶  
三菩聞已必當恭敬稽受我不敗壞者當教  
無數百千菩薩及諸衆生過我境界今我當  
往壞之波旬即使舉國男女不見其形不聞

其聲爾時薩陀波輪賣身不售愁憂啼哭言  
我甚爲劇欲自賣身供養於師而不能售時  
釋提桓因意念言今是苦薩以般若波羅蜜  
故欲供養法上菩薩我今試往看視其人爲  
用法故頗有諛詔時釋提桓化作年少梵  
林十

三之二

志至菩薩所問薩陀波輪言善男子何以不

樂愁憂啼哭報言年少我用法故欲自賣身

供養尊師而永不售無問我者是以哭耳自  
念薄德無財寶物可供養師者爾時年少謂

菩薩言我不用人我今祠祀欲得人血欲得

人髓欲得人心能與我者益與卿寶是時菩

薩歡喜報言我得善利年少買我心髓及血

與我財寶得供養師使我得聞般若波羅蜜

及溫惣拘舍羅真得我願年少重問言卿賣

髓血及心爲索幾許菩薩報言隨年少意與

我多少薩陀波輪便以右手自刺左臂出血  
與之復欲破骨出髓時城中有一長者女過  
於魔行魔不能屈時長者女於樓觀上遙見  
菩薩乃爾自刑我今當下問其意故時長者  
女即下來到菩薩所問言男子何爲乃爾酷  
毒自割用是血爲復欲破骨薩陀波輪報長  
者女言欲與年少賣得財寶供養於師欲聞  
尊經般若波羅蜜時長者女語菩薩言供養  
於師當得何等奇特功德菩薩報言師當教  
我般若波羅蜜溫惣拘舍羅語我菩薩所行  
林十一法則我當得學爲諸衆生廣作橋梁成阿耨  
多羅三耶三菩阿惟三佛我身當得三十二  
相八十種好無上之光得四等意四無所畏  
佛十種力及十八法逮六神通不思議淨戒  
成作佛已得無礙之慧當得無上之寶除一

切貧我當得是如此之法時長者女聞是語已踊躍歡喜語菩薩言善哉善哉賢者甚奇甚特乃說如是微妙之法重言賢者以是一法當索無數恒邊沙法所以者何是法甚深用微妙故卿善男子所欲得者莫自疑難欲得琉璃摩尼雜寶真珠金銀琥珀栴檀名香繒旛花蓋恣意所得今當與仁可持供養法之尊師莫爾自割毀壞其身今我亦欲往至彼所與卿相隨共植善本如卿屬所可說者我悉欲得時釋提桓因即滅年少梵志形還復釋身住薩陀波輪菩薩前讚歎言善哉善哉善男子如卿建志過去諸如來無所著等正覺行菩薩道求般若波羅蜜惄惄捨羅成阿惟三佛亦如賢者今日我亦不用人心髓及血我欲相試故來到是欲得何願薩陀

波輪報言我不用餘與我阿耨多羅三耶三菩願釋提桓因報言善男子是佛之境界非我所辦更索餘願多少福我菩薩報言假令大願非卿境界者復我身體使無瘡痍以是相福適作是語薩陀波輪身復如故於是帝釋忽然不現時長者女語菩薩言隨我共歸見我父母并報父母隨卿所欲供養之具當相給與我亦當去侍從左右至法上所爾時薩陀波輪隨長者女往到其家在門外住長者女入白父母言今當與我金銀珍寶琉璃

摩尼名香栴檀花蓋幢旛雜色異衣供養之具及諸奇異及五百侍女欲以法故隨薩陀波輪菩薩行至香氏國法上菩薩所欲聞尊經佛所有諸法我當得之度脫衆生父母問女言薩陀波輪今爲是誰女重白言是人今

在門外住發堅誓之願欲求阿耨多羅三耶  
三菩欲爲衆生故救無極之苦有大妙法名  
般若波羅蜜是諸菩薩所應學者是善男子  
但爲是法故自賣其身不惜軀命而自割截  
欲以供養大師法上是人至誠感致帝釋我

見是變就往問之有何奇特忍自割刺便報  
我言賣與年少欲得財物供養我師我當得  
佛三十二相八十種好當轉法輪度脫衆生  
我聞是已甚大歡喜誰聞是法而不樂者我  
便許之當與珍寶供養之具隨侍左右是故  
父母當給與我珍寶所有及諸侍女父母謂  
女如汝所言是人甚奇精進乃爾不惜身命  
欲求不思議之法如汝所言是善男子必能  
辦無上之法安隱衆生建立大誓僧那僧涅  
我當云何違汝是願欲得往見供養法上菩

薩者隨汝意願我代汝喜自吾年老不能得  
行恣汝所欲珍琦寶物我終不斷一切之願  
爾時女取五百乘車以七寶校飾及五百侍  
女莊嚴自副種種諸花雜色寶衣如上所有  
載以自車薩陀波輪別載一車與五百女人  
圍繞相隨於是東行稍稍引道遙見香氏城  
郭七寶玄黃珍琦衆妙未曾所有如上所說  
復遙見其城中央法上菩薩與諸大衆數百  
千萬圍繞說法遙見是已甚大歡喜其身安  
隱譬如比丘得第四禪又自念言我今不可  
於車上載當下步耳即與長者女及五百女  
人圍繞而前入城門裏見七寶臺以赤栴檀  
而校飾之真珠交露其臺四角有四寶龕盛  
摩尼珠晝夜常明有寶香爐常燒名香晝夜  
常香當臺中央有七寶塔又以四色之寶作

函以紫磨金薄爲素書般若波羅蜜作經在其函中又以七寶爲織成旛互相參絞其色上妙隨風續紛薩陀波輪及五百女人見是七寶交露之臺見釋提桓因與諸天子持天曼陀羅花及天雜色栴檀名香擣以爲末其  
芥子  
細如塵於虛空中供養散其臺上又鼓天樂而供養之爾時薩陀波輪遙問釋提桓因汝何爲供養以花散是臺爲於是釋提桓因報薩陀波輪言卿善男子爲不知耶是般若波羅蜜者生諸菩薩一切菩薩當於是學當成諸波羅蜜功德具足諸佛法逮薩云若以是故我等而供養之薩陀波輪聞是倍喜復問釋提桓因言般若波羅蜜爲在何所釋提桓因報言在臺中央七寶函中法上菩薩以七寶印印之汝等及我不得妄見爾時薩陀波

輪長者女及五百女人各各取諸名花名香栴檀雜寶瑠璃摩尼供養般若波羅蜜已別留一分持至法上菩薩高座所復以法故供養法上大師所散諸花當法上菩薩上化作七寶臺止於虛空所散名花皆雨於法上菩薩所散雜色寶衣在其臺上有化天人以手把持天旛而垂之薩陀波輪及五百女人見是變化各念言是法上菩薩摩訶薩所化乃爾是未曾有何況當成阿耨多羅三耶三菩提惟三佛時長者女及五百女人見法上菩薩歡喜踊躍皆發阿耨多羅三耶三菩提同時歎言持是功德得於法利亦當如是令我曹得供養般若波羅蜜如法上菩薩我等亦當廣宣般若波羅蜜以度衆生亦如法上菩薩願我等得般若波羅蜜成就漚恕拘舍羅

所作變化逮阿耨多羅三耶三菩於諸法得自在當如法上大師爾時薩陀波輸及長者女五百女人供養已訖前以頭面著地爲法上作禮却住一面以恭敬意義手白法上菩薩言我昔於寂靜之處聞空中聲言善男子

卷十

八

從是東行可得聞般若波羅蜜我即東去中道念我當從誰得聞般若波羅蜜愁憂啼哭默住一處七日不念飲食但念何時當得般若波羅蜜爾時便有化佛在我前住即告我言善男子持是精進勇意從是東行二萬里

有國名香氏有菩薩名法上常說般若波羅蜜汝可從聞是汝真師我從化佛聞是教已即便東行遙見大師意中歡喜踊躍安隱譬如今比丘得第四禪以念般若波羅蜜故便得無量三昧即見十方諸佛讚歎我言善哉善哉汝所得三昧者皆從般若波羅蜜生我本行菩薩時索般若波羅蜜時亦復如是讚歎我已便不復現我三昧覺已自念諸佛從何所來去至何所復大愁憂我復念言法上大師以般若波羅蜜沤紀拘舍羅於諸法得自

在我當往問師十方諸佛何所從來去至何所今日大師爲我解說是諸如來所從來往願欲知之我等聞已常見諸佛不離世尊法上品第八十九

於是法上菩薩摩訶薩報薩陀波輸菩薩言

卷十

九

善男子諸如來常不動搖亦不去亦不來如來者如如無所起滅不起者亦不來亦不去不生者是如來善男子真際者亦不知來時亦不知去時真際者則如來虛空者亦無來亦無去空者則如來真諦者亦不知來時亦

不知去時真諦者則如來無爲者亦不來亦不去無爲者則如來滅盡者亦無來亦無去滅盡者則如來善男子如來者不離是法此諸法者則是如來之如善男子如者一無有二亦不三亦無若干之數以法空故善男子譬如春節已過夏盛熱時熱有猛焰愚夫逐之謂爲是水追之不息呼當得水於賢者意云何是人所逐水者爲從何所來從東海西南海北海從何海來薩陀波喻菩薩對曰熟時焰者尚非是水何況從海而有來往法上復言善男子彼凡夫爲熱渴所迫而起水上復言善男子彼凡夫爲熱渴所迫而起水想追逐疲勞竟不得水諸有起想謂諸如來有往來者亦是凡夫與彼無異所以者何莫以色身而觀如來如來者法性法性者亦不來亦不去諸如來亦如是無來無去善男子

譬如幻師化作象馬車乘謂呼是幻有來往者皆是愚夫謂諸如來有來往者亦是凡夫所以者何法性者亦無來亦無去薩陀波喻白法上言夢幻所見悉空無實皆無所有法上報言善男子如來無所著等正覺說言諸法皆亦如夢有於夢幻法有實相者不知如來但入如來名色身耳便作如來來往之相是輩皆是無智凡夫是輩凡夫於生死道當有反數離般若波羅蜜大遠於諸佛法亦遠於諸夢幻法禁十知諸法如夢幻者爲識如來於諸法不求有來往之相亦不求諸如來有生有滅諸有知如來無來無往不生不滅者爲近阿耨多羅三耶三菩提是爲行般若波羅蜜是則爲佛之弟子是輩人應食國中施爲世間之福田善男子譬如大海所有名寶

不從十方國土而來以人福故海生此寶不爲無緣因緣故生是寶滅時亦復不至十方從因緣起從因緣滅亦不從十方有來有往者善男子諸佛身者有行因緣便得合成本行所致亦不用行往至十方若使無行無因緣合者若無因緣亦無有身也善男子譬如箜篌以因緣故有絃有柱有人鼓之音聲來往聲音斷時亦無來往是聲出時亦無從來滅亦無所至欲知佛身亦復如是有無量之德不以一事成皆有因緣而共合成不離因緣而有去來善男子當知諸佛亦無來往一切諸法皆復如是亦不生滅汝知是已必至阿耨多羅三耶三菩必究竟般若波羅蜜滬恕拘舍羅爾時釋提桓因以天曼陀羅花與薩陀波倫持是供養法上菩薩當福於我所

以者何一切衆生當蒙仁者之恩當得阿耨多羅三耶三菩仁者上士世間少有甚難得值乃爲衆生執勞無央數劫都不以爲勞時薩陀波倫受釋提桓因曼陀羅花用散法上菩薩散已白言從今以去持身奉上於師供給所須又手却住一面爾時長者女及五百侍女白薩陀波倫菩薩言願得以身奉上大師給所當得持是功德令得法利如今大師當與大師常共供養諸佛世尊爾時薩陀波倫告長者女及五百侍女汝等隨我教者我當受汝諸女報言身命自師不敢違教薩陀波倫菩薩白法上菩薩言願持身自上及五百女人及五百乘車一切所有以上大師哀我曹等願當受之爾時釋提桓因歎言善哉善哉發菩薩意者當持所有如賢者所爲菩薩

薩如是施者疾得阿耨多羅三耶三菩作是  
恭敬承事師者疾可得聞般若波羅蜜溫忍  
拘舍羅過去諸如來無所著等正覺皆悉如  
是捨意布施得般若波羅蜜溫忍拘舍羅成  
阿惟三佛爾時法上菩薩即受薩陀波輪及

長者女五百侍女及五百乘車所有珍寶盡  
爲受之欲使薩陀波輪成其功德雖受之還  
持與薩陀波輪菩薩時日已冥法上菩薩從  
高座起還入宮中爾時薩陀波輪意念言我  
爲法來不宜坐卧當以二事須師來出一者  
經行二者住立時法上菩薩入宮中正坐以  
般若波羅蜜溫忍拘舍羅行無央數諸三昧  
至于七歲薩陀波輪亦七歲不坐不卧常經  
行住立不起三垢無諸欲味但念法上菩薩  
何時當出爲我說般若波羅蜜七歲已後薩

陀波輪意中念言我當爲師莊嚴高座種種  
名花燒諸名香以待法師當爲大衆說般若  
波羅蜜薩陀波輪及五百女人各各布座身  
上好衣諸名綻綻柔軟細毳以布座上薩陀  
波輪即行索水欲以灑地了不能得是魔波  
旬之所蔽隱令水不現欲壞菩薩令起亂意  
不欲使成阿耨多羅三耶三菩薩陀波輪意  
復念言我當自刺其身出血以用灑地所以  
者何恐地有塵來坌師故我不當惜是危脆  
之身所以者何前後以來無央數劫棄是身

體不可復計初未值是無上之法於是薩陀  
波輪菩薩即取利刀刺身出血持用灑地五  
百女人各各亦爾爾時波旬不能得其便爾  
時釋提桓因念言是薩陀波輪菩薩及五百  
女人甚可奇特貪德乃爾不惜身命恭敬法

師是魔波旬雖欲壞之不能得便乃爾堅固誓於僧那不惜身命於阿耨多羅三耶三菩欲度衆生無限之苦是時帝釋讚言善哉善哉賢者精進不可思議爲無上之願過去諸佛本所行時精進如是薩陀波輪意中念言

袞十

十三

我今爲師布座已訖當於何所得好名花法師出時當散其上爾時帝釋知其所念便以天上曼陀羅花千石與菩薩言持是供養師并可散地即取其花分布散地分留一分七歲已後法上菩薩從宮中出徑詣高座薩陀波輪及五百女人即持天花遍散法上頭面作禮却坐一面法上菩薩告薩陀波輪菩薩卿善男子諦聽諦受善思念之於是薩陀波輪菩薩受教而聽諸法等如金剛等諸法寂諸法等寂不動故般若波羅蜜等寂不動亦

如金剛諸法無倚諸法不恐諸法一味故般若波羅蜜亦無所倚諸法一味不恐諸法不生諸法不滅諸法如空故般若波羅蜜不生不滅亦如虛空五陰無底無邊際諸法無底四大無底故般若波羅蜜亦無有底空無有邊際大海無有邊諸法無邊際故般若波羅蜜亦無邊際譬如須彌山種種嚴好般若波羅蜜亦復如是諸法無所破壞諸法不可得見諸法無所受諸法無所有諸法不可思議故般若波羅蜜無所破壞亦不可得亦無所受亦無所有不可思議亦復如是爾時薩陀波輪菩薩便於座上得諸法等三昧諸法寂三昧不動三昧無倚三昧無畏三昧一味三昧無生三昧無滅三昧虛空三昧五陰無底三昧諸法無底三昧四大無邊三昧虛空性

三昧如海三昧如須彌山三昧金剛三昧無所破壞三昧無所得三昧無所受三昧無所有三昧不可思議三昧如是等三昧得六萬

### 三昧門

#### 囑累品第九十

卷十

四

佛告須菩提爾時薩陀波論菩薩得六萬三昧已便見十方如恒邊沙三千大千國土見諸如來無所著等正覺及比丘僧大眾圍繞說般若波羅蜜如我今日爲汝等說般若波羅蜜十方諸佛亦復如我字釋迦文薩陀波論菩薩多聞具足其智如海不離諸佛所生之處在諸佛前若於夢中未曾離佛諸難已斷已得自在是故須菩提當知般若波羅蜜爲諸菩薩摩訶薩致薩云若菩薩欲學六波羅蜜者欲得諸佛境界一切智者當學行般

若波羅蜜當受當持當諷誦讀廣爲人說解其中事亦當供養所有名花名香繒綵華蓋若干方便當供養之所以者何般若波羅蜜者是諸佛所尊是尊道之御佛告阿難於汝意云何汝爲尊重愛敬如來不阿難對曰唯然世尊愛敬如來如來自知佛語阿難汝實愛敬於如來阿難汝前後侍我以來汝身口意常有善慈今吾年以老矣弟子所應供養者汝以爲畢不爲不畢從今以往當恭敬承事般若波羅蜜世尊於是從一至三如是囑

卷十

十五

累於般若波羅蜜所以殷勤鄭重者何欲令不斷故若般若波羅蜜斷者一切衆生永爲盲冥若般若波羅蜜在世不斷絕者諸佛如來亦不斷絕若般若波羅蜜有斷絕者諸佛如來亦當斷絕阿難般若波羅蜜住於世者

當知如來常在說法一切衆生不離佛會不離說法阿難是般若波羅蜜若有書持諷誦念守習行解說其義供養經卷復教他人書持諷誦廣爲說者當知是人常與佛俱不離諸佛佛說是時彌勒菩薩耆年須菩提尊者舍利弗大目犍連那毘文陀尼子摩訶拘絺羅摩訶迦旃延賢者阿難一切會者諸天阿須婬聞佛說已皆大歡喜前爲佛作禮而去

### 放光般若波羅蜜經卷第三十

#### 音釋

售 承 呪 切 賣 告 枯 沢 切 痘  
物 去 手 也 酷 悅 刻 也 瘡 疣 初 莊 切 瘡  
痕 么 莊 切 長 慢 痘 也 瘡 音 盤 瘡  
也 頸 頸 頸 也 繽 紛 繁 紛 民 切 紛 音 盤 瘡  
切 春 罷 音 紛 紛 紛 紛 雜 亂 貌 捃 捃 時 都  
也 疊 紛 紛 紛 紛 紛 紛 紛 紛 紛 紛 紛 紛 紛  
緺 羅 藩 語 也 此 云 大 金 墓 步 閃 切 物 捃 捃  
膝 緺 抽 知 切 也 脆 此 苦 切 物 捃 捃 時 都